

# COMUNU DE USEDDUS

Provìntzia de Aristanis

## DELÌBERA DE SA GIUNTA COMUNALI

Numeru 11 de su 23/02/2007

*OGETU : Gestioni Biblioteca e archiviu comunali. Aprovatzioni progetu stralciu.*

S'annu duamilaseti sa dì bintitres de su mesi de friarxiu, a s'ora de sa una de mangianu, in custa domu comunali, cunvocada informalmenti, s'est atobiada a pari sa Giunta Comunali cun sa presentzia de is Sannoris :

ATZEI ADRIANO	SÌNDIGU	A
ATZORI FELICE	VICESÌNDIGU	P
SERRA MONICA	ASSESSORI	P
ERBI' CESARE	ASSESSORI	P
ADDARI GIOVANNI	ASSESSORI	A

Inde risultant presentis n°3 e ausentis n°2

Pigat sa presidèntzia ATZORI FELICE in calidadi de VICESÌNDIGU.

Partizipat cun funtzionis consultivas, refèrentis, de assistentzia e verbalizatzioni (art.97, comma 4, de su D.Lgs. n°267/2000) sa Segretària SCALA dott.ssa MARIA BONARIA.

Su presidenti, atzertau su numeru legali, decrarat aberta sa chistioni de s'argòmentu in ogetu, regulàrmenti iscritu in s'ordini de sa dì, e invitat is benius a pari a deliberai asuba s'argòmentu ingitau in s'ogetu, ponendi innantis ca, asuba sa proposta de custa decraratzioni, anti nau ca giai:

su Responsàbili de su serbìtziu interèssau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

## SA GIUNTA COMUNALI

### POSTU INNANTIS:

- ca su Comunu de Useddus tenit de diora sa gestioni de su serbìtziu de allichidu e gestioni Integrada de sa Biblioteca e de su Archiviù Comunali abalorendisidda de una dita allena ;
- ca po s'annu 2005/2006 tali serbìtziu est stetiù gestiu ponenti in menti su Cuntratu n°19 de Rep. Fatu in dì 5 de su mesi de idas de su 2005, asuba sa basi de un progetu de allichidu e gestioni integrada de sa Biblioteca cun s'Archiviù Comunali fatu a primu manu dae su Responsàbili de su Serbìtziu Amministrativu, aprovau cun propria delibera n°66 de su 07.07.2005;

### DONAU ATU

- ca cun propria delibera n°89 de su 12.09.2006 custu Comunu at aprovau un progetu de tres annus nomanau "Biblioargia" po sa gestioni de is serbìtzius deretus a is bibliotecas de is Comunas de Albagiara, Alas, Masuddas, Morgongiori, Pompu, Villa S.Antoni e de gestioni integrada bibliotecas/archiviùs istoricus de is Comunas de Baressa, Curcuris, Gonnanou, Mogoredda, Sini e Useddus po atzedi a is contributus de sa L.R. 21 abrilu de su 2005, n°7, art. 12, comma 3, fatu a primu manu dae su professionista incàrrigau dae su Cunsortziu Duas Giaras e po su cali est stetiù pediu un finantziamentu apostu a su cumpetenti assessorau regionali;
- chi tali progetu bidit po primu su donai in gestioni is serbìtzius de biblioteca, puru in pari a is archiviùs istoricus, cun gara a evidentzia pùblica, assuntau de su Cunsortziu Duas Giaras;
- ca s'organizazioni de su serbìtziu biblioteca tenendi contu su progetu de gestioni nau asuba, est accabau su 15.12.2006;
- ca cun delibera de sa G.C. n°113 de su 06.12.2006 si aprovat un progetu de gestioni po unu numeru de duus mesis (gennàrxiu e friarxiu de unu importu de €2.456,23 in atesa de sa definitzioni de sa procedura de finantziamentu de su progetu "Biblioargia", prividiu intra de giai ses mesis.

CRETIU, duncas, depi aprovai un progetu de gestioni chi portat elementus e inghitziativas deretus a sa gestioni de tali serbìtziu po un tempus dae martzu-austu, torrenti a nai ca giai de fatu a sa disciplina e s'organizazioni fintzas a immui fata, po donai s'ghida a su serbìtziu, po una spesa paris a €7.241,40, progetu chi si alligat a custa po indi fai parti intera e sostanziali;

DE DONAI apostas diretivas a su Responsàbili de su Serbìtziu Amministrativu poita, in su donai sa gestioni de su serbìtziu biblioteca po tali tempus, andendi paris a is leis de immoi, at a prividi s'interruzioni de su incàrrigu in casu de definitzioni, paris a su cuntratu, de su progetu "Biblioargia", aspetendi cumentu ispetzificau, su finantziamentu;

BIDA sa proposta de su Responsàbili de su Serbìtziu Amministrativu;

DONAU ATU ca custa spesa benit fata a càrrigu de su interventu 1050103/1 cap. 1477 de su bilanciu chi si megat a fai po custu esercitziu;

COBERAU su naus ca giai ex art.49 TUEL, chi sighit:

- dae su Responsàbili Ufitziu Amministrativu
- dae su Responsàbili Ufitziu Finanziariu

CUN votazioni fata de totus in pari

## DELÌBERAT

Ca cussu nau asuba fai parti intera de custa delibera;

DE aprovai unu progetu de gestioni de su Serbìtziu de Allichidu e Gestioni Integrada de sa Biblioteca e de s'Archiviu Comunali, chi portat is elementus e is iniziativaas deretas a sa disciplina de tali serbìtziu, po unu tempus de martzu-austu, narendi ca gai de fatu a sa disciplina e s'organizazioni fintzas a immoi tenta, po una spesa de €5.617,62, prus s'IVA in sa misura de lei po unu importu totu paris de €7.241,40, progetu chi si alligat a custa po indi fai parti integranti e sostanziali;

DE incàrrigai su Responsàbili de su Serbìtziu Amministrativu po sa definitzioni de sa pratiga fata aposta, donendi a cussu e totu apostas diretivas, poita in su donai sa gestioni de su serbìtziu in ogetu po tali tempus, andendi paris a is leis de immoi, at a privit sa interrutzioni de su incàrrigu in casu de definitzioni, paris a su cuntratu, de su progetu "Biblioargia" in atesa, cumentu nau prima, de finantziamentu fatu aposta;

DE donai atu ca custa spesa benit fata a càrrigu de su interventu 1050103/1 cap. 1477 de su bilanciu chi si megat a fai po custu esercitziu;

BIU S'ACOITU, cun votatzioni fata a parti, totus in pari, benit decrarada sa presenti luegu eseguibili segundu s'art.134, c 4 de su D.Lgs 18/08/2000 n°267.

Custu Verbali benit firmau cumentu sighit:

Su Sìndigu at firmau  
(*ATZORI FELICE*)

Sa Segretària at firmau  
(*SCALA Dott.ssa MARIA BONARIA*)

---

Su sutoscritu, bius is atus d'ufitziu  
Reg.n°121

ATESTAT

Ca custa delibera est stetia apicada a s'Albu Pretoriu Comunali sa dì 13/03 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali, innia 13/03/2007

Sa Segretària Comunali at firmau  
(*SCALA Dott.ssa MARIA BONARIA*)

---

Su sutoscritu, bius is atus d'Ufitziu

ATESTAT

Custa delibera est diventata esecutiva su..... segundu s'art.....  
De su T.U. 267/2000

De sa Residèntzia Comunali, innia .....

Sa Segretària Comunali  
(*SCALA Dott.ssa MARIA BONARIA*)

---

De potai a:

- s'Ufitziu Tènicu
- s'Ufitziu Amministrativu
- s'Ufitziu Contabili
- s'Ufitziu Vigilanza
- s'Ufitziu Serbìtziu Sotziali
- .....
- .....
- R.A.S.

De sa Residèntzia Comunali, innia .....

Sa Segretària Comunali at firmau  
(*SCALA Dott.ssa MARIA BONARIA*)